


ՎԱՀԱՆ ԹՈԹՈՎԵՆՑ

ԿՅԱՆՔԸ ՀԻՆ
ՀՌՈՎՄԵԱԿԱՆ
ՃԱՆԱԴԱՐՀԻ ՎՐԱ



Վ Ա Հ Ա Ն Թ Ո Թ Ո Վ Ե Ն Ց

«Կյանքը հին հռովմեական ճանապարհի վրա»
(հատված)

Բ Ե Մ Ա Գ Ի Ր

Գ Ո Ր Ծ Ո Ղ Ա Ն Ձ Ի Ն Ք

ԱՐԱՐ Ա

Հաղորդավար- Եվա Ղևոնդյան
Դատավոր- Հրանտ Իսունց
Մեղադրյալ- Նոյ Զեյնալյան
Առաջին վկա- Մանե Ավագյան
Երկրորդ վկա- Տիգրան Ալեքսանյան

ԱՐԱՐ Բ

Հեղինակ-Նոյ Զեյնալյան
Հայր-Հրանտ Իսունց
Մայր- Մանե Ավագյան
Ծառա (Գոգո)- Տիգրան Ալեքսանյան
Աղախին (Օղաբեր)- Էլինա Հարությունյան

Ն Ա Ռ Ա Գ Ծ Ա Յ Ի Ն Ա Շ Ռ Ա Տ Ա Ն Ք

ՀԱՂՈՐԱՎԱՐ: Բարև ձեզ, հարգելի՛ ներկաներ, այսօր մենք անդրադառնալու ենք հայ գրող Վահան Թոփովենցի մեղադրական գործին: Հայ, ինչու չէ նաև համաշխարհային գրականության այս երախտավորը հին հռոմեական ճանապարհներով եկել, հասել է մեր հայրենիք, որպեսզի գրականության ենթարկվի՝ այնուհանդերձ դառնալով հավերժի ճամփորդ: Ո՞վ է Թոփովենցը, ո՞րն է նրա մեղքը. Այդ հարցերի պատասխաններն ենք փորձելու ստանալ՝ ուսումնասիրելով նրա գրքերը, նամակները և հուշագրությունները:

ՀԵՂԻՆԱԿ: 1936թվական հայ գրականության ամենապայծառ կյանքերից մեկը՝ Վահան Թոփովենցը, գրեց ինքնակենսագրականը գրականագետների ապագա սերնդի համար: Թոփովենցն իր ինքնատիպ գրականությամբ և ազգանպաստ գործունեությամբ արդեն հասցրել էր արժանանալ գնահատանքի և չէր կարող անտեսվել համայնավարների կողմից: Կարճ ժամանակ անց գրողի ինքնակենսագրությունը որպես փաստաթուղթ կցվեց նրա մեղադրական գործին: Թոփովենցի կյանքում շատ են եղել դժվարությունները: Գրողը ծնվել է 1889թվականին Խարբերդի Մեզիրե քաղաքում:

ՆՈՅ: Մայրս գնում էր գոմ՝ կովը կթելու: Գնում է և երկար ժամանակ չի վերադառնում: Քյա՛, աղջի՛, տե՛ս՝ ինչ եղավ,- բացականչում է հորաքույրս և գնում գոմ, տեսնում է մայրս նստած, ձեռքին էլ մի կապուտաչա երեխա. Այդ երեխան ես էի:

Դ Ա Տ Ա Կ Ա Ն Գ Ո Ր Ծ Ն Ն Թ Ա Ց

ՀԱՂՈՐԴԱՎԱՐ: Այսօր լսելու ենք քաղաքական հանցանքի մեջ մեղադրվող հայ մտավորականի, հասարակական գործչի գործը: Ոտքի՛, դատարանն է գալիս:

ԴԱՏԱՎՈՐ: Դուք մեղադրվում եք ֆաշիստական գործունեություն ծավալելու, նացիոնալիստական խմբի անդամ լինելու մեջ: Ցուցմունքներ տվե՛ք ձեր գործունեության վերաբերյալ:

ՄԵՂԱԴՐՅԱԼ: Անձամբ ոչ մի խմբի մեջ չեմ եղել, որևէ հակահեղափոխական գործունեության չեմ մասնակցել:

ԴԱՏԱՎՈՐ: Անգլիական հետազոտության հետ ի՞նչ կապ ունեք: Որպես գործակալ Դուք տվյալներ հայտնե՞լ եք հայ մտավորականների, նրանց գործունեության, առհասարակ երկրում տիրող ամեն ինչի վերաբերյալ:

ՄԵՂԱԴՐՅԱԼ: Ես ապավինում էի Անգլիայի խնամակալությանը, կողմ եմ Խորհրդային Միության կազմից Հայաստանի դուրս գալուն:

ԷԼԻՆԱ: Լսենք առաջին վկայի ցուցմունքը:

ԱՌԱՋԻՆ ՎԿԱ: Վահան Թոթովենցին բաժին էր ընկել գաղթականի ճակատագիրը: Գրողն ապրել է Հայաստանում, Իտալիայում, Ֆրանսիայում և վերջապես՝ Ամերիկայում: Նյու Յորքում գրողը ստացել է բարձրակարգ կրթություն, գրողի համար Ամերիկյան կարող էր գրական դիրքի դրսևորման հորիզոններ բացել, սակայն, երբ հայրենիք գնալու առիթ ընձեռնվեց, Թոթովենցը չհապաղեց: Մինչև 1936 թվականը Վահան Թոթովենցը խորհրդային գրականության մեջ ամենաբեղմնավոր գրողներից մեկն է եղել: Նա գրել է շուրջ երկու տասնյակի հասնող դրամատիկական երկեր և ամբողջացրել պատմվածքների ժողովածուն: Վահան Թոթովենցը, սուկ հայրենասիրական նկրտումներից ելնելով, հայ իրականության մեջ նոր բարեփոխումներ է մտցնում, և չի կարելի մեղադրել հայրենասեր մարդուն՝ հակահեղափոխական պիտակներ վերագրելով:

ԷԼԻՆԱ: Լսենք երկրորդ վկայի ցուցմունքը:

ԵՐԿՐՈՐԴ ՎԿԱ: Կարելի է ասել Խորհրդային Հայաստանում Վահան Թոթովենցի կյանքը շատ լավ դասավորվեց. Նա սկզբնական փուլում մեկ տարուց ավել աշխատել է Խաչատուր Աբովյանի դպրոցում, նա դասավանդում էր ֆրանսերեն, հայոց լեզու և գրականություն: Հետո նրան նկատեցին, և նա անցավ Երևանի պետական համալսարան, այնտեղ դասավանդում էր անգլերեն լեզու և ֆրանսերեն գրականություն, նա

դարձավ այնտեղի ակադեմիայի քարտուղարը: Չի կարելի պայծառ մտավորականին անհիմն մեղադրանքներով դատապարտել:

ԴՍՏԱՎՈՐ: Դուք մեղադրվում եք Անդրֆեդերացիայի ղեկավարության մեջ, հայտնել եք անձամբ ընկեր Բերիյին: Հետաքննությունը Ձեզանից պահանջում է անկեղծ ցուցմունքներ:

ՄԵՂԱԴՐՅԱԼ: Ես որոշեցի անկեղծորեն խոստովանել մեր բոլոր հանցանքները: Հնարավոր է, որ ես շփոթվեմ, լրացուցիչ հարցերով ամբողջացրե՛ք հարցաքննությունը:

ԴՍՏԱՎՈՐ: Վերջապես պետք է խոստովանեք ձեր կատարած հանցանքը:

ՄԵՂԱԴՐՅԱԼ: Այո՛, ես հակահեղափոխական խմբի անդամ եմ, տարել եմ վնասարարական աշխատանքներ: Դուք եք ինձ ստիպում, որ ես խոստովանեմ չգործածս հանցանքը:

ՀԱՂՈՐԴԱՎԱՐ: Դատարանը հեռանում է վճիռ կայացնելու:

ԱՌԱՋԻՆ ՎԿԱ: Լուսավոր անհատներին վիճակվում է դժվար ճանապարհ, նրանց վայել չէ հասարակ մահկանացու հետ հասարակ գոյակերպը: Մնակը կասեր. «Ուշ-ուշ են գալիս, բայց ոչ ուշացած: Ծնվում են նրանք ճիշտ ժամանակին և ժամանակից առաջ են ընկնում: Դրա համար էլ չեն ներում նրան»: Այո՛, չներեցին:

ԷԼԻՆԱ: Դատարանը վերադառնում է վճիռը հրապարակելու:

ՀԱՂՈՐԴԱՎԱՐ: Ոտքի՛, դատարանն է գալիս:

ԴՍՏԱՎՈՐ: Դատարանը որոշեց ծանրագույն հանցանքի համար մեղադրյալին դատապարտել գնդակահարության: Մեղադրյա՛լ, մահապատժից առաջ որևէ ցանկություն ունե՞ք:

ՄԵՂԱԴՐՅԱԼ: Այո՛, պարո՛ն դատավոր, թու՛յլ կտաք առանձնանալ մի քանի բոպեով: Ուզում եմ մենակ մնալ հուշերիս հետ, վերադառնալ մանկությանս աշխարհը: Խնդրում եմ ինձ հնարավորություն տվեք վայելելու թանկ ու անմոռաց հուշերս, ուր մայրս է, հայրս, քույրերս, եղբայրներս, ծննդավայրս, հայրենի տունս:

ԴՍՏԱՎՈՐ: Հարգենք մեղադրյալի կամքը, թող առանձնանա մեղադրյալի սենյակում:

Բ Ե Մ Ա Դ Ր Ո Ւ Թ Յ Ո Ւ Ն 2

ՀԵՂԻՆԱԿ: (հեղինակը քայլելով անցնում է սենյակի երկարությամբ)

Ես կարծում եմ՝ աշխարհում եղել են երկու քրիստոնյա, մեկը ինքը՝ Քրիստոսը՝ հրեա, մյուսը՝ մայրս՝ հայ:
(Մենյակ, որտեղ ծալապատի նստած մայրը աղոթում է, ապա բացում Ավետարանը)

ՀԱՅՐ: (մտնելով սենյակ) Դու դարձյալ կարդու՞մ ես այդ ցնդաբանությունը:

ՄԱՅՐ: Աստծո սիրուն, աղաչում եմ քեզ այդպես մի՛ ասա, ես միայն ջանում եմ իրագործել Ավետարանի պատվիրանները՝ միաժամանակ աղերսելով Աստծուն, որ ների քո մեղքերը:

ՀԱՅՐ: Էհ, ասած-չասած դու մեկ է՝ չես փոխվում: Գնացի:

ՄԱՅՐ: (արագ տեղից վեր կենալով՝ մոտենում է ճանապարհում՝ հետևից աղոթելով և ասելով)

Աստված, ների՛ր նրան, նա այնքան էլ անաստված չէ: (ապա կանչում է ծառային) Գոգո՛, Գոգո՛:

ԾԱՌԱ: Ի՞նչ կա, տիկի՛ն:

ՄԱՅՐ: Վերցրու՛ այս մետաղադրամները, այսօր պատարագ է մատուցվելու, իմ անունից բաժանի՛ր աղբատներին, բայց ոչինչ մի՛ ասա տանեցիներին:

ԾԱՌԱ: Բարի, տիկի՛ն, պարոնը, որ իմացավ, շատ կբարկանա:

ՄԱՅՐ: Գնա՛, Գոգո, չի իմանա: (Մայրը դուրս է գալիս սենյակից, դրսում լվացարարուհին լվացք է անում, մայրը մոտենում է և ասում) Ի՞նչ կենես, Օղաբե՛ր:

ՕՂԱԲԵՐ: Լվացքը, տիկի՛ն:

ՄԱՅՐ: Տու՛ր, տու՛ր, ես կկախեմ պարանից:

ՕՂԱԲԵՐ: Ախր տիկի՛ն ծառան, որ իմացավ, ինձ կսպանե:

ՄԱՅՐ: Ոչինչ էլ չի իմանա: Ի՞նչ է, ձեզ Աստված չի ստեղծել, Աստծո առաջ բոլորը հավասար են:
(վերջացնելուց հետո վերցնում է ավելը, ավլում տները, գնում խոհանոց, լվանում ամանները ու սրբում):

ՄԱՅՐ: Օ՛ֆ, այսօր էլ մթնեց, հոգնեցի, շատ եմ հոգնել երևի տարիքս եմ առել:(մայրը կանչում է) Գոգո՛, Գոգո՛, աղայի վերադառնալու ժամն է: Էշն ուղարկե՛լ էս:

ԳՈԳՈ: Տիկի՛ն, հենց նոր ուղարկեցի:

ՄԱՅՐ: Ասա մանչերուս՝ փոխեն շորերը, հորը պիտի դիմավորեն: (Հանում է զոզնոցը, սանրում մազերը):

ՀԱՅՐ: (Ներս է մտնում հայրը) Նորեն դու դարձյալ դու՞րս ես եկել արիսկրատիզմի սահմաններից:
(Մայրը գլուխը կախում է) Քանի անգամ ասեմ, քեզ մի՛ ցածրացնի, ե՞րբ պիտի խանում դառնաս: Կարո՞ղ է

Էլի էն սատանա քահանային հյուր ես կանչել, ոսկե դրամն էլ ձեռքը դրել: Բա՛վ է, բա՛վ. օրգանական ասելություն կզգամ դեպի էդ քահանաներ:

ՄԱՅՐ: Չէ՛, ի՞նչ ես ասում:

ՀԱՅՐ: Գոզո՛, Գոզո՛:

ԾԱՌԱ: Հա մե, աղա՛:

ՀԱՅՐ: Շուտ սեղան դի՛ր, խանումի բազմոցը բարձերով պատի՛ր, խանումին պատվի՛ր, հոգնած է, երևի էլի խառնվել է աղախինների գործին: Չի փոխվում էլի, չի փոխվում: (Մայրը մոտենում է հորը, ժպտում, բռնում ձեռքը ու սեղմում երեսին)...

Բոլորը դուրս են գալիս, շարունակում է քայլել սենյակում ապա կանգնում է ասելով՝

ՀԵՂԻՆԱԿ: Երկուսն էլ համառ էին. հայրս համառ արիստոկրատ էր, մայրս՝ համառ դեմոկրատ: Մինչև վերջ էլ հայրս չկարողացավ համակերպվել մորս դեմոկրատիզմի, և մայրս էլ՝ հորս արիստոկրատիզմի հետ:

ԷԼԻՆԱ: (Կուլիսներից) Կոծում են հողմերը, աշխարհը ցուրտ է, փակեցե՛ք դուռը աշխարհի դեմ:

ՄԱՅՐ: Տու՛ր թախի՛ծդ ինձ, մանու՛կ իմ, երզն իմ կողերի, ցնծա գարնան մեջ, գարու՛ն իմ ցնծագին, վազի՛ր բաց ու դալար դաշտերում, իմ եղնի՛կ թեթևասույր, սուրա՛ փրփադեզ ալիքների վրա, ժպտա՛ մանկան մաքրությամբ, ջերմագի՛ն է աշխարհը, իմ մանու՛կ, իմ ծա՛ռ երկնասլաց, իմ սե՛ր:

ՆՈՅ (ՀԵՂԻՆԱԿ): Մայրս՝ նա այնքան նման էր մեր պարտեզի նոճուն: Բայց մայրս ժպտում է մեր կապույտ լեռներից բարձրացող արևի միջից: Տեսնում եմ նրա ծամերը՝ արևի շողերին խառնված, և լսում եմ նրա շողերի ձայնը: Եվ բացվում է մի մեծ առավոտ, որի թևերը ոսկեգօծում են իմ հոգու մոայլ ակունքները, սավառնում է տիեզերական ցնծությունը, արևի միջից լսում եմ նրա ձայնը: Արևը հենց ինքը՝ մայրս է՝ խարսոյաշ աչքերով և ոսկյա մազերով: Թափվում է կանաչների վրա նրա ոսկեհունչ երգը: Ողջ դալարն է սարսռում, իմ ջերմագին մոր սիրտն է շրջնում բոլոր պարտեզների, բոլոր ծաղիկների բաժակներում: Ընպում եմ վարդի բույրը, տանձն՝ ինչպես մորս կաթը, իջնում է նորից գիշերը՝ խաղաղ, զովագին, աստղասարսուռ, անհուն մի գիշեր: Մայրս գնաց արևի հետ: Մա՛յր իմ, գալիս եմ քեզ մոտ, տա՛ր ինձ: Քո մայրական տաք զրկում ես ինձ մենակ չեմ զգա, գուրգուրի՛ր ինձ, ինչպես մանուկ ժամանակ թևերդ փոփ՛ր ինձ վրա, տաքացրու՛ որդուդ սառչող մարմինը:

ՆԱԽԱԳԾԱՅԻՆ ԱՇԽԱՏԱՆՔԻ ՂԵԿԱՎԱՐ ԵՎ ՄԱՍՆԱԿԻՑ ԱՇԱԿԵՐՏՆԵՐ

Հարությունյան Սոնա, ուսուցչուհի, դեկավար
Զեյնալյան Նոյ, 7-րդ «Ա» դասարանի աշակերտ
Ալեքսանյան Տիգրան, 7-րդ «Ա» դասարանի աշակերտ
Հարությունյան Էլինա, 7-րդ «Ա» դասարանի աշակերտուհի
Իսունց Հրանտ, 7-րդ «Ա» դասարանի աշակերտ
Ղևոնդյան Եվա, 7-րդ «Ա» դասարանի աշակերտուհի
Ավագյան Մանե, 7-րդ «Ա» դասարանի աշակերտուհի